

# 卷七

書名 烏鼠山人小集十六卷後集二卷 嘉靖十八年刊本  
 撰者 明 胡纘宗 撰  
 卷 卷七  
 內容分類 集- 別集- 明中葉  
 索書號 集部- 別集- 7- 40  
 編號 D7433900

[彩色首頁1](#)  
[彩色首頁2](#)

[東洋文化研究所漢籍目錄 編號: D7433900](#)  
[東洋文化研究所漢籍目錄所藏漢籍善本全文影像資料庫 索書號: 集部- 別集- 7- 40](#)  
[漢籍善本全文影像資料庫文本烏鼠山人小集十六卷後集二卷 嘉靖十八年刊本](#)  
 版權所有: [東京大學](#) [東洋文化研究所](#)  
[使用上的注意事項](#)

鳥鼠山人後集卷之一

古體四言 長短句附

諸子胡祕 諸生關畿校

我結

贈籍野馬翁以進也翁 肅府引禮舍人

我廬于籍之西嶓山連阜天水循谿秋空倚  
 野杖藜澄波鯉躍修竹鸞棲我觴我友于籍

我社于籍之東西望義闕北眺軒宮卦爻穆

所究研京東院學化文方東

No. 1698







烏鼠山人小集卷之七

國子生皖江陳以道

長洲歸仁

學生太原郝元溟編

排律五言

席上贈嚴 殿講惟中兼呈顧 宮諭九和

遙憶追趨地 宮花傍日栽 秉螭 天上集裁 詔

柳邊回 禁苑慚予入 經帷羨爾開 每延 鳩鵲

殿亦眺鳳凰臺 吳郡終朝話 洪都絕代才 况逢青瑣

客初自碧山來 琴瑟諧新調 壺觴引舊醅 相期報

明主調燮待鹽梅

送陳內翰魯南

翩然陳伯玉絕代稱文宗日引丹山鳳雲翻碧海龍  
命騷還大雅入聖亦春容史局珮聲緩 經帷花影  
重朝辭出 禁苑明發下廬峰內外皆經濟斯須自  
篤恭豫章煙裊裊彭蠡月溶溶夢裏與隆醉吟邊飯  
顆逢聯牀欽學海題壁避詞鋒儒吏 虞廷重徵書  
動 紫封

同楊憲長仲衡王都闈靖之登錦屏山閣

探訪初停騎登臨欲拄筇當空懸一觀入座起諸峰  
靈壑日蒼翠晴嵐時淡濃花擎金孔雀波湧繡芙蓉  
細路盤孤鶴飛甍壓古松錦屏龍躡躅玉柱影翳鬆

城闕瞻依近關河拈顧重仙人騎鹿至客子躡雲從  
姓字充瑤榜篇章接蟻封嵩山連絕巘洛水度高壑  
揚震應同調王喬非偶逢歸來忽燈火至後不知冬  
遊嵩岳

乘月來僧寺燒燈坐佛堂中州雪初霽少室夜猶長  
晏起疑禪定遙歸笑客忙群峰臨座上一觀落山傍  
颯沓空中梵飄飄物外香東谿松覆郁西巘塔軒昂  
卓錫泉將湧吹笙鳳忽翔青童何奕奕紫蓋亦茫茫  
點石龜能入捫星燕莫藏達磨寧惑世明道欲扶王  
達磨石影太常崑山魏 面壁終成幻心齋始是忘浮  
屠元寂滅舍利竟荒唐見日鷄鳴早留雲瑞應蒼摩

崖詩滿地采藥屑盈筐  
甫生前代巢由托上方  
將軍遙共倚君子近相望  
危從欽唐士登封憶漢皇  
獨遊踰鷲嶺長嘯引霓裳  
枕璞浮丘秘騎龍李白狂  
北風偏凜冽仄徑亦徬徨  
珍重移時賞翩然見

帝鄉

青童紫蓋鷄鳴留雲峰也將軍栢也君子山也

排律七言

次良鄉和碧山春途之作次韻

天上長安行已近  
夢中白髮望還賒  
孤琴獨鶴憐官况  
乳燕啼鶯感歲華  
院院飛蟲過水竹  
村村細雨着桑麻  
江山進日年年酒  
桃李東風處處花  
帶蠟老翁開夙釀  
和煙孺子摘春芽  
邊聲未肯將歸馬  
社鼓逢

逢欲暮鴉令尹垂簾聽流水  
將軍建纛坐高牙  
真人

又道呈新籙佛子休言曳舊裝  
五岳日臨

天子座九霄雲護

玉皇家他年石箭曾疑虎  
此日杯弓豈誤蛇  
管樂比賢師自表臯夔許國志  
非誇陽春一曲聊追和秋水  
如天恐未涯

贈蔡封君

盛代西峰有元定  
北窓高卧夢羲皇  
琴書粲粲圍山館  
梧竹脩脩照草堂  
伊洛淵源還律呂  
建閩墳典自門墻  
碧桃映日聞花縣  
青瑣凌空見夕郎  
兩道板輿承菽水  
三擎宮錦被鸞章  
明時擇相應留泌子

經以給事遷參政有旨留內秩今日司刑欲佐唐廷尉位崇丹詔  
切上卿名重紫泥香垂帷空負雲霓望趨陛親瞻  
日月光白髮緋袍過梓里翩翩孤鶴下巖廊

宜陽道中柬楊廉訪仲衡

一冬初見宜陽雪清曉和雲灑碧天色送星輶光閃  
閃花隨鶴蹙舞翩翩入村門巷堆偏白度坂園林稼  
欲圓庾嶺風關梅樹樹朝川煙暖玉田田峻嶒砥柱  
迴流上浩渺伊川落照邊十日聯鑪意何極半程踏  
雪興堪傳

絕句五言

登虎丘千頃雲頭

青丘虎丘海鶴盤孤影上有月一方下有雲千頃  
贈陸少參之湖廣偶成

武當高逼天洞庭闊到海黃鶴時往來春風動蘭若

送張刑部

長安天上月夜夜照秋臺戴月朝天去東華紫氣開

采菊贈軍戶部

采菊何所贈有客揚帆行秋風吹海水遊子江南情

贈何提學粹夫之浙江

潮來江月生潮去江月平挂帆向滄海的近蓬瀛

懷素若愚

不見王康詒松川似朝川梅花開十里晴日遠含煙

除夕雪

竟夕今年雪片時  
明歲春過憐驢背  
客應憶隴頭人  
海不揚波上伍中丞二絕句

初日照蒼海  
春深雲不流  
孤帆下三島  
蛟蜃一時收  
萬里春波闊  
雲流風不生  
天邊一帆至  
忽掉凱歌聲

書海

蒼海照明月  
流影入瑤空  
曉起聞消息  
懸崖春滿叢

寄贈七峯孫思和

七峯亦何許  
江畔彩雲生  
便欲凌孤嶠  
吹簫引鳳鳴  
訪錢水部士弘馬上市占

海上地行仙  
綉袍照白髮  
來往洞庭波  
夜夜

水部自號為地行仙  
而居東海之濱者也

與唐禮部鵬

青青江上山  
森森樓前水  
歸來獨杖藜  
誰識鶡冠子

紫霞洞二絕句贈林御史克相

晴日照飛霞  
紅光滿崖谷  
仙翁戴葛巾  
手把離騷讀  
洞頭玄鶴鳴  
洞口紫霞生  
仙子談經罷  
翩然來

帝京

扇面小畫

懸崖流水上明月  
到尊前孤艇遊  
何處鸞簫吹碧天  
席上走筆贈姚光祿思永

大鵬萬里去  
縹緲白雲高  
回首長安近  
天池有鳳毛



東湖四絕句奉贈吳公

春日湖水生措下湖草短綠楊絲欲垂黃鸝聲不斷  
夏日湖水深雲多棹不識何處採蓮歌忽傍漁家出  
秋日湖水平風迴波不興雙梧挂明月時聞黃鶴鳴  
冬日湖水落孤松湖上青夫子閉關坐歲寒心與銘  
再入虎丘

照檣入虎丘又是一年秋海月盈盈起江雲嫋嫋流  
雪舫贈羅生輿

孤舫大如蓮新晴破曉煙美人猶鼓柁泛雪早春天  
聽琴

琴上太玄文琴中太古音鍾期不在坐伯牙空有心  
子午谷圖贈周少安

天上終南山山中子午谷時見太乙仙散步監田玉  
走筆次韻答盧師陳

兩地看明月清光千里同願携一尊酒共醉百花叢  
蠡口道院漫興二首

面面皆春水臨橋跨小樓帆檣日來往誰解五湖遊  
橋迴低臨斗樓危遠挿河碧桃開十里春興復如何  
華陽洞

入洞仄而平出洞敞以明雲盤上官鶴風引下宮笙  
望虞山寄陳原習

百里見虞山翩翩江海間美人倚山閣不言心自閒

開元寺聞鐘

開元夜半鍾驚起長安夢  
彤墀曙色寒紫陌春風動

小畫二首

獨立理絲綸不知何許人  
空崖石齒齒淺渚波鱗鱗  
飄飄垂釣人悠悠垂釣心  
不問魚來去寧論波淺深

偶成

春柳語黃鳥夏風垂綠槐  
秋梧挂明月冬雪裊孤梅  
馬上有懷崔祭酒仲鳧

崔顥何許人題詩稱第一  
洞庭黃鶴起岳陽白雲出  
次泉贈官生

大泉遠通海小泉高接山  
我泉當其下次第聲潺潺

天柱閣行

半空天柱閣縹繞落江干  
閣中何所有雲覆青琅玕  
陽湖畊隱贈陳翁

風泉竹石卷

春日湖水渾秋日湖水清  
帶經向南畝抱膝看雲生  
石上泉粼粼風間竹嫋嫋  
我有物外心誰謂塵寰小  
畫花鳥四絕句

桃花覆水紅小鳥分枝坐  
今晨春雨晴昨夕東風大  
珍禽枝上坐明月水中流  
梅開紅嫋嫋竹長碧脩脩  
丹榴傍石開新水連山起  
一鳥兀不驚薰風自來止

酸馥松桂馨粲粲荻蘆白時有明月來蕩漾水中石

天門關

窅窅天門關門開雲未歸借問抱關人天宮何許好

白龍吟四首

哀諸偷兒

白龍山名

朝耕秋無食夜織冬無衣側身奪鄰馬也向白龍馳  
四壁何蕭蕭有身無處着馳身事綠林誰謂白龍樂  
官征朝當輸私征暮當給尋思投白龍偷向蒼冥泣  
去年田無禾今年廩無黍空勞豪吏嗔白龍何處所

天台山

懸崖度石橋縹緲兩仙子不見採藥人桃花自流水

登天姥山

日近白雲流天空岐氣浮翩然臨八極不似夢中遊  
半坡

龍泉寺

繫馬龍泉寺槐陰青欲圍函關紫氣動太華彩雲飛  
與般若寺寺翁

竹谷四首贈馬左史

誰持般若寺開門見老翁焚香理經懺回首白雲叢  
我有萬頭竹叢生虛谷中彩鳳飛將至吹笙向碧空  
窅窅萬壑虛脩脩千頃密竹谷何許人乘鸞凌太乙  
谷口翩翩竹風生雲欲流主人披鶴氅回首見瀛洲

蒼谷倚雲閣翠竹參天長風高雲欲蓋引鳳晴徜徉  
有懷王敬夫

涼月度高空晴雲移遠樹緜嶺學仙人吹簫復何處  
有懷康對山

終南碧浮壑太白青連岑日入對山酌日出對山吟  
送高陟

山樹參差出溪雲狼籍飛春風伴君去明月伴君歸  
與麥積山上人

南有香積山北有麥積山山人拾瑤草白雲相與還  
席上贈東湖宗室

咫尺蒲坂東有湖大如海美人扣舷歌山川遙相待

扇面

樹影中流見山光上界分扁舟向何處獨棹楚江雲

柳湖亭二首

二月綠依依八月碧漪漪博士今何處垂波空有枝  
新月掛城隅顛風吹路衢子由讀書處依舊柳垂湖

呂翁祠四首

盧生求適心呂子遊仙夢一覺過百年黃梁猶在甕  
盧生已黃土呂翁亦白雲唯有祠前水依舊清泠泠

天地既溷沌山川亦渺茫莊生忽夢蝶人蝶復相忘  
仙子幻中夢書生夢裏情眼看人未醒奔走事浮名

介休縣偶題

縣山青鬱鬱汾水碧溶溶前有介之推後有郭林宗  
送林憲使民服

和靖江南去梅花處處開梁園明月流影到君懷  
至前一日登虎頭山寺

上爲虎頭山下爲虎頭寺上山見陽復下山知冬至  
嵩縣絕句

點點嵩縣山曲曲伊河水青蒼流不盡絕代出天子  
湯溪王鳴泉四絕句

卷簾對嵩岳有泉聲潺潺遶泉皆玉樹長日鳥綿蠻  
引鶴過行宮有泉聲滴滴梅飄繡幕長仙人笑吹笛  
卜築傍梁臺有泉聲汨汨臨軒移鳳屏晴山青笑元

開尊臨別殿有泉聲泠泠呂女吹笙坐地高門不扃  
與周丞岐鳳

秋空見一鷲萬里獨高飛回首長安道乘龍人去歸  
勝感寺小畫

粼粼塔下水團團屋上松凭欄獨無語天外看群峯  
虎丘次韻

虎丘水竹繁二月風花冷歸去月凌溪姑蘇動高影  
夜泊楓橋有懷盧駕部師陳

楓橋傍漁火煮茗憶盧同何處看明月題詩水竹叢  
與蕭翁

山翁垂白髮

天子賞青袍但願年豐稔家家酬濁醪

野航贈郭徐州

萬里見孤航縹緲青雲窟秋帆挂斗牛春波動溟渤

臨茅山喜客泉

人言泉喜客我言客喜泉不見泉與客相對皆冷然

答友

爾是蓬萊主我是蓬萊客相邀凌太乙一歌海天碧

梅塘十咏

贈封君盛翁

座上東風暖凌空梅覆塘卷簾有新水滿野龍襲花香

右春

入夏晝如年梅陰何處便垂塘流白兔蕊萼故聯輝

右夏

秋霽淨流霞沿塘梅欲花西湖多佳舫有酒不須賒

右秋

冬日暖堪愛况當梅滿叢背巖千樹白入座一枝紅

右冬

梅生自盤錯風起亦扶踈藹藹色盈野菲菲香滿除

右風

萬壑雨初鮮千谿雨後妍欲因梅日暖移榻對花眠

右雨

娟娟梅含雪翩翩雪舞梅花開有底急欲作百花魁

右梅

浮渡中天月梅花開處圓流光千樹動子夜舞嬋娟

右月

冬郊陽復處春浦梅開時何遜憑闌坐臨觴便有詩

右詩

日與梅花對風神分外清更邀松與竹一結歲寒盟

右盟

絕句七言

七峰贈孫生思和

靄靄七峰懸海月翩翩一榻受江雲冥冥風雨龍初

出皜皜松梧鶴自群

宿劉士夫黃祠

初聞諫議口楚楚今見諫議祠寥寥今入座女牆懸素

魄臨階古木振寒飈

天王寺席上走筆

叢竹陰陰覆子城暖雲靄靄度瓜逕僧歸何處溪頭

雨野寺寂寥春鳥鳴

衡山涵峰胥臺見過次韻為謝

萬竹脩脩淨掃埃瀛洲仙子抱琴來不知坐久雲生

砌況是鳥鳴花覆苔

衡山涵峰胥臺惠詩次韻以答

遠庭梧竹淨無埃不必吹簫鳳自來仙子援琴歌曰

雪山人看月步蒼苔

衡山古溪諸君子復惠以詩次韻再答

帝城涼雨落氛埃海上青山雲去來時有奚囊隨鶴  
至不妨開徑破新苔

哭朱華州德嘉

曉起驚聞少華摧蒼崖碧石自空堆黃河萬里流難  
盡風雨橫天獨爾哀

入閭門有懷蕭木守若愚

晴日梅開花覆山梅花仙子白雲間扁舟相訪不相  
值夜夜閨門月滿灣

道陝州有懷王三良謨憲使

黃河岸邊青草浮甘棠樹下對雲流美人咫尺猶玉  
里獨倚山東李白樓

贈石泉 宗室

太行之西黃河東有泉汨汨虛涵空 帝子援琴坐  
泉上穆耕時看海雲紅

九日登君子堂 堂在和靖西嶺

堂前堂後皆修竹穿竹登堂絃管鳴更有野花當徑  
發不爭秋月傍池生

題時錦衣小影

錦衣郁郁動鸞旗白馬翩翩引鳳輿不獨朝川看花  
竹延陵亦有水雲居



寄謝思忠

吳門詩畫稱石田子畏風流亦可憐怪底竹山謝居士滿前山水思飄然

送戴僉憲暨四首

客子騎馬嵩岳東綠堤楊柳颭春風登岳徘徊見初日扶桑高掛海雲紅

客子騎馬嵩岳西半巖松老雲欲棲登岳徘徊見新月崑崙底柱連晴霓

客子騎馬嵩岳南洞庭閃爍搖晴嵐登岳徘徊見牛斗摩天紫電迎鸞驂

客子騎馬嵩岳北太行繚繞黃河直登岳徘徊見

帝鄉瓊樓玉宇情何極

少石四絕句贈崔祭酒

仙人遺我一片石上帶太行松底雲摩石爛然曾光彩便從臺閣煥奎文

有石如玉聲和鳴 虞庭一闕簫韶成即今不用下

和獻日照大圭雲霞生

太行有石顏色鮮世寒若與星爭妍

天子琢來作環珮五雲照耀聲翩翩

粼粼下袁江河潤石磊磊中涵天地春移向 彤庭爲

玉柱朝朝承靈薄蒼旻

渡汶

泗水汨汨流春雨汶水滔滔湧夏雲南旺湖邊匯煙  
霧牽牛織女若為分

茗溪小畫

茗溪草堂風日微茗溪主人朝重扉只憶草堂空水  
石不知主人今已歸

故山栢亭次韻東高民部

猶記當年騎鶴過春風吹柳水增波高郎與我頭俱  
白山自青青栢自多



茗溪草堂風日微茗溪主人朝重扉只憶草堂空水石不知主人今已歸



東洋圖書印